

摘藻堂四庫全書薈要

集部

欽定四庫全書叢要

集部

宋詩鈔卷

七十九
八十

詳校官候選知縣臣吳甸華



欽定四庫全書薈要卷二萬三百三十二

集部

宋詩鈔卷七十九

內閣中書舍人吳之振編

楊萬里退休集鈔

三三徑

東園新開九徑江梅海棠桃李橘杏紅梅碧桃芙蓉
九種花木各植一徑命曰三三徑云

三徑初開自蔣卿再開三徑是淵明誠齋奄有三三徑

一徑花開一徑行

雪後東園午望

天色輕陰小霽中
晝眠初醒未惺鬆
梅橫破屋無多雪
雲放東山第一峰
不道風光虧此老
將何功業答殘冬
羊羔菜甲鵝兒酒
醉入梅林化作蜂

答賦永豐宰黃巖老投贈

吾友蕭東夫今日
陳後山道腴詩彌
瘦世忙渠自閒不
見逾星終每思即
淒然都邑黃永豐
與渠中表間黃語

似蕭語已透最上關莫道不是蕭蕭乃墮我前佳句鬼
所泣盛名天所慳詩人只言黥犯之取饑寒端能不懼
者放君據詩壇

初夏

旋作東陂已水聲纔經急雨恰新晴提壺醒眼看人醉
布穀催農不自耕一似老夫堪笑死萬方口業拙謀生
嘲紅梅綠成何事自古詩人沒一成

枕上聞子規

半世經行怕子規
一聞一歎一霑衣
如今聽着渾如夢
我自高眠汝自啼

有歎

飽喜饑嗔笑殺儂
鳳凰未可笑狙公
儘逃暮四朝三外
猶在桐花竹實中

六月將晦夜出凝歸門

暑裏街頭可久停
今宵無月也宵征
一天星點明歸路
十里荷香送出城
山轎聲聲柔艣緊
葛衣眼眼野風清

五更月出還家下不早相期作伴行

十六日夜再同子文巨濟叔粲南溪步月

際晚溪遊暮欲歸追涼逐勝却成遲月如醉眼生紅暈
山作愁眉帶淡姿天下無人間似我秋邊有句說誰知
弟兄一再更相送行到更深笑不知

重九前四日晝睡獨覺

睡思初酣過午彊起來四顧已斜陽添糊窓榻無風氣
旋曬衣裘有日香舊雨不來從草綠新豐獨酌又花黃

去年重九窮忙過可遣今年更作忙

立春檢校牡丹

牡丹又欲試春粧忙得閒人也作忙
新舊年頭將替換去留花眼費商量
東風從我袖中出小蕾已含天上香
只道開時恐腸斷未開先自斷人腸

曉起探梅

一生劫劫只長塗
投老山林始定居
夢破青燈窓欲白
猶疑雪店聽雞初

送簡壽王主簿之官臨桂

柴門草徑儘莓苔不放黃塵俗子來
詩客清晨衝雨入梅花一夜為君開
飄蕭落葉殘燈火陸續清談濁酒杯
二十一年纔四見驪駒抵死又相催

與侯子雲溪上晚步

人入溪園自掩門溪流新落兩三痕
杖藜紫菊霜風徑送眼丹楓夕照村
行住忽然忘近遠陰晴未肯定寒暄
多時不出今聊出牧子樵兒一笑喧

新晴

瑤霜珠露兩相鮮
玉宇金鉦萬里寬
欲作一晴多少日
早知祇費數朝寒
曝禾場裏雞豚樂
試筆窓前紙墨乾
兒女莫餐新浙飯
打頭荷甌且輸官

留蕭伯和仲和小飲

誰曾白日上青天
誰羨千鍾況萬錢
要入詩家須有骨
若除酒外更無仙
三杯未必通大道
一斗真能出百篇
李杜饑寒纔幾日
却教富貴不論年

新晴東園晚步

一日秋陰一日晴
山禽相賀太丁寧
不愁白髮千莖雪
隨喜黃庭一卷經
晚霧薄情憎遠嶺
夕陽死命戀危亭
孤吟莫道無人覺
松竹喧傳菊細聽

忙裏清流也帶塵
閑中底物不長新
水將樹影揮空帶
楓換秋容作好春
自是不歸歸便得
老來下筆筆如神
鸚花剪燭無虛日
賤相誠齋一老人

歲暮歸自城中一病垂死病起遣悶

索居猶寡歡巾車入城闔親舊久不見一見交相欣挽
衣招我飲惟恐我出門不招我亦往不留我亦存殷勤
復如許不住我豈真是時梅始花吹香落金尊酒冽肴
果富咀啜俱芳珍丞相我知己太守我故人言非汰塵
雜塵雜不入言初談聖賢髓終談天地根向晚銜杯酒
不樂復何云

出郭雲尚明及郊日忽暮不思日晷短却信雲已誤駿
奔六七里逢店破亦住澆愁幸殘尊照睡欺短炬荒雞

喚野夢晨起念速步升高乃復下故病動中腑昏眩懍
欲絕低回不能去僮僕強我歸偶不隕中路老至猶倚
強疾在自不悟及茲一委頓去死僅尺許人生信浮脆
可笑何足懼所懼棄官晚行樂今已遽

曉登萬花川谷看海棠

準擬今春樂事濃依前枉却一東風年年不帶看花眼
不是愁中即病中

走筆送趙正則司戶來訪覲親庭

捧檄親庭歸帽斜肯臨破屋玉川家小留詩客三杯酒
試看山園幾處花人到東湖與南浦時當芍藥替金沙
却來書滿參鄉好徑泛銀河犯斗槎

寄題儋耳東坡故居尊賢堂太守譚景先所作

先生初落海南垂茅屋三間不到伊更有高堂懸畫像
幸無過客首新詩古來賢聖皆如此身後功名屬阿誰
底事百年譚太守却教賓主不同時

八月十三日望月

纔近中秋月已清
鴉青幕挂一團冰
忽然覺得今宵月
元不粘天獨自行

蛩聲

誠齋老子一歸休
最感蛩聲五報秋
細聽蛩聲元自樂
人愁却道是它愁

南齋梅花

朝來早起挂南窓
要看梅花試曉粧
兩樹相挨前後發
老夫一月不燒香

早春

還家五度見春容，長被春容惱病翁。
高柳下來垂處綠，小桃上去末梢紅。
捲簾亭館酣酣日，放杖溪山款款風。
更入新年足新雨，去年未當好時豐。

雪後寄謝濟翁材翁聯騎來訪進退格

封胡連壁雨中來自送，歸鞍悵獨回。
隱几讀書寒入骨，開門落雪皓平堦。
急尋火種溫雙手，自喚兒郎共一杯。
念汝野梅官柳路，地爐松葉買茆柴。

春半雨寒牡丹殊無消息

今歲芳菲儘未忙去年二月牡丹香寒暄不定春光晚
榮落俱遲花命長纔一兩朝晴炫野又三四陣雨鳴廊
對江魏紫拳如蕨而況姚家進御黃

初秋戲作山居雜興俳體

早起翻成坐睡昏鵲聲喚我步前軒竹扉日影針來大
射壁千丸彈子痕

暑後花枝輸了春雜英小巧亦欣人素馨解點粉描筆

金鳳愛垂雞下脣

風騷開國昨寒嚴勞績批書課翠嵐
梨子要肥千取百菊苗每摘一生三

昨夜天垂破玉盆今宵辛苦補盆脣
看他補到十七八滿得十分虧二分

甌頭雲子喜嘗新紅嚼桃花白嚼銀
笑殺他人浪歡喜村人殘底到官人

七月初頭六月闌老夫日醉早禾酸
莫將煮吃只生吃

更洩天機向達官

俗謂早禾酒
為早禾酸

自曝羣書舊間新
淨揩白醖拂黃塵
莫羞空腹無丁字
且免秋陽曬殺人

獨對秋筠倒晚壺
喜無吏舍四歌呼
柳梢一殼茲緇滓
屋角雙斑谷古孤

卓午從他大織張
先生別有睡為鄉
竹牀移徧兩頭冷
瓦枕翻來四面香

謝潭帥余處恭遣騎惠書送酒

鵲噪燈花兩太謾三朝五夜強相歡打門將軍還驚枕
破屋閒人起着冠知己書從天上落焚香手把月中看
少陵泛愛虛名句羨殺寒儒眼不寒

同王見可劉子年循南溪度西橋登天柱岡望東山
偶因閒步散頑麻倦喚胡床小住些飛上山頭人似鶴
回看溪畔路如蛇雲烟極目知可愛松竹為門是我家
下得山來飢更渴也無麥飯也無茶

和曾無疑贈詩語及歐陽公事

烏帽紅塵媿子陵
綠蓑青笠晚尋盟
三千里外還家後
七十二回看月生
與子兩人長對酌
笑渠萬古浪垂名
醉翁若是真箇醉
卓白何須鏡樣明

題道卿貧樂齋

雪茹冰餐入骨香
慢欺驢瘦儘詩狂
人傳幼婦皆稱絕
鬼笑人家不姓方
細雨寒燈初夢短
斷猿枯木一聲長
上天已辦河東賦
豈有長貧執戟郎

乙未春日山居雜興

半月春晴探物華
山園走得脚酸麻
從教三日風和雨
閉戶燒香不看花

海棠重葉更妖斜
青帝翻騰別一家
格外出奇人不識
大紅抹倒小蓮花

金作林檎花絕濃
十年花少怨東風
卽今徧地藥枝錦
不則梢頭幾點紅

日影雲光學鍍金
好風不肯碎花陰
人言春色濃于酒
不醉衰容只醉心

半晴半雨半暄涼
拖帶春容未要忙
為報州家更縣裏
吾鄉改作萬花鄉

一春雨脚帶東園
柳絆花牽不暫閒
今日醺晴天氣好
杖藜看水更看山

暮春

花時追賞夜將朝
花過遲眠日儘高
又與山禽爭口腹
執竿挾彈守櫻桃

送蕭瑞卿

異縣二百里分襟五十年肯來尋病老相對各蒼然舉
似兒時話茫如夢裏烟殘花猶可醉細酌未須眠

送分寧主簿羅寵材秩滿入京

要知詩客叅江西正似禪客叅曹溪不到南華與脩水
予何傳法更傳衣吾家親黨子羅子只今四海習鑿齒
花紅玉白幾百篇塞破錦囊脫無底三年簿領修水涯
夜半親傳雙井芽定知誦向百僚上不道長江與落霞

書黃廬陵伯庸詩卷

句法何曾問外人單傳山谷當家春截來雲錦花無樣
倒寫珠胎海亦貧汗竹香中翻墨汁扶桑梢上挂頭巾
詩名官職看雙好向道儒冠不誤身

木犀芙蓉盛開

先生深住萬山村霧裏雲包不見痕也被閒人知去處
芙蓉巷裏木犀門

謝張功父送近詩集

十年不夢軟紅塵惱亂閒心得我嗔兩夜連緡約齋集

雙眸再見帝城春鶯花世界輸公等
泉石膏肓探病身
近代風騷四詩將非君摩壘更何人

范石湖尤梁溪
蕭千巖陸放翁

寄謝蜀帥袁起巖尚書閣學寄贈藥物

拋官歸隱七經年睡殺山雲笑殺天
剩雨殘雲黃帽底
顛詩中酒白鷗前少年行路今已矣
厚祿故人書寂然
只有錦城袁閣學寄詩贈藥意悄悄

寄題安福劉道協涌翠樓

讀書臺南山繞屋恰是萬簪削
青玉讀書臺北山更多

又似碧海躍萬波臺邊高人子劉子架樓南北山圍裏
醉中領客上上頭忽驚平地翠浪浮一浪拋雲入天半
衆浪翻空濕銀漢碎轟打倒闌干前天跳地踔乾坤顛
賓主拍手呼釣船定眼看來還不然只是南北幾點山
走筆謝吉守趙判院分餉三山荔枝

吾州五馬住閩山分我三山荔子丹甘露落來雞子大
曉風凍作水晶團西川紅錦無此色南海綠羅猶帶酸
不是今年天不暑玉膚照得野人寒

足痛無聊塊坐讀江西詩

兩脚徧雲水羣書久網絲却因三日痛理得數篇詩不
借雙高挂母追一任歌老夫非愛病不病亦何為

夏夜露坐

火老殊未熱雨多還自晴暮天無定色過鳥有遺聲坐
久人將睡更深月始明素娥欺我老偏照雪千莖
山翠都成黑天黃忽復青月肥過半壁雲瘦不遮星瓦
鼓三四隻村酤一兩瓶人皆笑我醉我獨笑渠醒

同劉季游登天柱岡

兩箇胡牀小憩些一枝筇杖挂傾斜
烟雲慘淡天將雪風日荒寒梅未花
人去客來沽酒市鷄鳴犬吠野人家
清游不用忙歸去強管行程是暮鴉

不睡

夜永無眠非為茶無風燈影自橫斜
擁裯仰面書帷薄數盡承塵一簾花

清愁無數暗相隨酒是渠讐也是媒
醉裏不知何處驛

等人醒後一時來

醉吟

三春草草眼中過未抵三冬樂事多
燭焰雙了紅再合
酒花半蕾碧千波
孤寒霜月儂相似
跌宕風雲誰奈何
道是閒人沒勲績
一枝樵斧一漁蓑

送王文伯上舍歸豐城兼簡彭侍郎

碧落先生少可人
銀鈎繭紙苦稱君
談間口吸西江水
句裏家傳南浦雲
千里端能來命駕
一尊得與細論文

還家剝草三千牘看策平津第一勲

讀張文潛詩

山谷前頭敢說詩絕稱漱酒掃花詞後來全集教渠見
別有天珍渠得知

予與客嘗茶藤瀉酒客求其法因戲答之

月中露下摘茶藤瀉酒銀餅花倒垂若要花香熏酒骨
莫教玉醴濕瓊肌一杯墮我無何有百罰知君亦不辭
勅賜深之能幾許野人時復一中之

初夏即事

百日田乾田父愁只消一雨百無憂更無人惜田中水
放下清溪恣意流

更無一箇子規啼寂寂空山花自飛啼得春歸他便去
元來不是勸人歸

詩酒懷趙德莊

德莊對客不淪茗傳觴半杯曰某名趙半杯君知否余老病亦只飲半杯

舊日張三影今時趙半杯誰將牌印子牒過草廬來一
代風流盡餘年鬢髮催愁邊對詩酒懷抱向誰開

端午獨酌

招得榴花共一觴
笑殺老夫狂子蘭
赤口禳何益
正則紅船看不妨
團糴明朝便無味
菖蒲今日麼生香
一生幸免春端帖
可遣漁歌譜大章

至後入城道中雜興

大熟仍教得大晴
今年又是一昇平
昇平不在簫韶裏
只在諸村打稻聲

問渠田父定無饑
却道官人那得知
未送太倉新玉粒

敢先雲子滑流匙

畦蔬甘似卧沙羊正為新經幾夜霜
蘆葍過拳菰過膝
北風一路菜羹香

長亭阿姥短亭翁探借桃花作面紅
酒熟自嘗仍自賣
一生割據醉鄉中

豐年物物總欣歡不但人和畜亦蕃
簸處金膚肥塢母
春餘珠屑飽雞孫

再入城宿張氏莊早起進退格

夢覺月如晝誤驚天欲明起吹松葉燼自點柏花燈山
轎已十里譙門纔四更脚跟豈無火鬚上也成冰

暮行田間

布穀聲中日脚收瘦藤叫我西疇露珠走上青秧葉
不到梢頭肯便休

水滿平田無處無一張雷紙雨中鋪新秧亂插如井字
却道山農不解書

進退格寄張功父姜堯章

尤蕭范陸四詩翁此後誰當第一功
新拜南湖為上將更牽白石作先鋒
可憐公等俱癡絕不見詞人到老窮
謝遣管城儂已曉酒泉端欲乞移封

雨中入城送趙吉州器之

拂溪楊柳縷生金攔路山礬香殺人
不是衝關送行客外頭放過若干春

村店農忙半不開入城客子去還來
阿耶烏傘兒青笠賣却松柴買菜回

次公秩滿來歸偶上巳寒食同日父子小酌

又是一年修禊時何須曲水泛金卮
遍嘗衆酒少亦醉坐到三更眠未遲
上巳巧當寒食日春風慳放牡丹枝
白頭父子燈前語忘却江湖久別離

十二月二十七日立春夜不寐

冬夜嫌長只望春春宵又永更何言
睫梢強合終無睡脚底相摩也不溫
竟夕松風聽到曉半明燈火看來昏
擁裯却起蒙頭坐顧影真成一病猿

長孺共讀杜詩

病身兀兀腦岑岑偶得兒曹文字林一卷杜詩揉欲爛
兩人齊讀味初深斲肝枉却期千載漏眼誰曾更再尋
筆底奸雄死猶毒莫將饒舌泄渠心

族人同諸友問疾

摩詰沈疴未易排文殊一問失妖災老夫何幸羣賢集
倒履出迎雙眼開語造極時全愈了病知客去即重來
呼兒細揀新書冊體不佳時看一回

病中復脚痛終日倦坐遣悶

滿眼生花雪滿顛依稀又過四雙年誰知病脚妨行步
只見端居例坐禪墮扇几旁猶懶拾撿書窓下更能前
世人揔羨飛仙侶我羨行人便是仙

病中七夕

良辰美景底須來苦惱如山正滿懷蟬度清歌侑溪柳
花吹黃雪灑宮槐新秋風物俱堪賞久病心情自不佳
說與兒童休乞巧老夫守拙尚多乖

己丑改元開禧元日

開禧元祀更元正宿雨新收放曉晴夜半梅花添一歲
夢中爆竹報殘更方知人喜天亦喜作麼鐘鳴雞未鳴
老子年齡君莫問屠蘇飲了更無兄

病中春雨聞東園花盛

萬類欣欣一老悲物華豈是不佳時病夫自與春無分
好景非干我獨遺花底報來開已闌雨中過了更曾知
風光九十今強半又約芳菲隔歲期

雨霽看東園桃李行溪上進退格

藥裏關心正腹煩強排孤悶到東園行穿六六三三徑
來往紅紅白白間繞樹仰看渾弗見隔溪回望不勝繁
村村桃李家家有脚力酸時坐看山

病中感秋

病中一別抵三秋況見西風在樹頭老去能禁幾回病
秋來不為別人愁書帷夢覺疑僧榻竹戶涼侵似客舟
壽外康寧方是福不然徒壽不須休

送藥者陳國器

竇憲一舉空朔野曹霸一筆空凡馬吾鄉藥者有陳生
一丸洗雪萬藥者庸醫皆笑道旁沙陳生拈出便是玉
山禾庸醫皆笑潤下水陳生酌來便是上池底也只不
離神農書書外別得一亡珠也只不出岐伯論論外別
得舌一寸舊遭痔疾惱殺儂新遭淋疾與合縱恰如住
在圃田國晉楚腹背夾攻陳生贈我玉困子乃是華
陽洞中乖龍耳陳生贈我紺葉紗乃是金鴨脚底扶桑

花汲泉親手煮蠚眼一漉枯腸如漉沙平生舊疾蟬殼
退秋風吹落青天外更傳枕中鴻寶方戒勿浪傳泄天
藏君不見回巖仙客逢貧子指石成金吾濟爾貧子再
拜不要金祇覓指頭吾自指

除夕送次公子入京受縣

過眼光陰又歲窮相看父子一尊同春回雨點溪聲裏
人醉梅花竹影中汝趁暄和朝北闕我扶衰病見東風
弟兄努力思報國放我滄浪作釣翁

十月四日同子文克信子潛子直材翁子立諸弟
訪三十二叔祖於小蓬萊酌酒摘金橘小集戲
成長句

誠齋老子不奈靜偶拄烏藤出苔徑獨游無伴却成愁
羣從同行還起興每過一家添一人須臾保社如烟雲
褰裳涉溪溪水淺着履渡橋橋柱新蓬萊一點出塵外
南溪裏在千花裏芙蓉照波上下紅琅玕繞屋東西翠
槿籬竹戶重復重雞鳴犬吠青霞中蓬萊老仙出迎客

朱顏綠髮仍方瞳
餐菊為糧露為醕
染霧作巾雲作履
忻然領客到仙家
行盡蓬萊日未斜
更傾山瓢酌山酒
酒外瓢邊亦何有
偶看小樹雙團欒
碧琉璃葉黃金丸
主人忍喫不忍摘
笑道未霜猶帶酸
小童隨我勇過我
不管仙翁惜仙果
手撓風枝揀霜顆
爭獻滿盤來飣坐
隔水蓬萊看絕竒
蓬萊看水海如池
主人勸客對絕境
不飲令儂怒生癭
何如寄下未盡瓢
留待早梅賞疎影

嘗桃

金桃兩釘照銀杯一是栽花一買來香味比嘗無兩樣
人情畢竟愛親栽

止酒

止酒先立約庶幾守得堅自約復自守事亦未必然約
語未出口意已慘不歡平生死愛酒愛酒寧棄官憶昔
少年日與酒為忘年醉則卧香草落花為繡氍覺來月
已上復飲落花前衷腸不禁酒此事今莫論因酒屢作
病自索非關天朝來復苦痛飲藥痛不痊銳欲絕伯雅

已書絕交篇如何酒未絕告至愁已先我與意為仇意
慘我不歡何如且快意伯雅再遣前來日若再病旋旋
商量看

秋涼晚酌

寄老山林度懶殘新秋又是一年年青編翠竹風牕月
白酒紅蕖水檻天暑欲謝時偏更毒儂當醉後恕渠顛
古稀尚隔來年在且酌今宵藥玉船

乙卯春日三三徑行散有感

東園一日走千尋又見飛龍第一春桃李成陰儂已老
江山依舊歲還新穿花踏影渾無日隔徑聞聲不見人
學省同寮各星散白雲山裏伴閒身

十一月朔早起

拋笏投簪四見秋宦情世味兩俱休塵隨日影穿牕戲
葉卷風聲刮地愁文武自勻香底火聖賢教帶老時憂
夜來富貴非人世夢釣滄浪雪滿舟

新霜

得得今來未有寒天公小靳不全判欲呈瑞雪飛花樣
先遣濃霜起草看瓦脊生春總瓊玉梅梢着粉忽琅玕
老夫到老嫌冬熱十指朝來出袖難

中塗小歇

山僮問遊何許村莫問何許但出門脚根倦時且小歇
山色佳處須細看道逢田父遮農住說與前頭看山去
寄下君家老瓦盆他日重遊却來取

積雨小霽

雨足山雲半欲開
新秧猶待小暄催
一雙百舌花梢語
四顧無人忽下來

和虞使君易簡字知能所寄唐律二首

四海九州虞雍公
擎天一柱雪山峰
厥孫俊逸詩無敵
下筆縱橫劍有鋒
舊日門生今白髮
故人書札照蒼松
掉頭讀得紗巾落
如對青雲阮仲容

柴桑卧病一茅廬
或掉孤舟或命車
道喪今朝逢祖謝
詩工獨步過應徐
萬山不隔相思字
數月之間兩得書

廊廟方將訪喬木
碧梧翠竹看新除

曬衣

亭午曬衣晡褶衣
柳箱布襪自攜歸
妻孥相笑還相問
赤脚蒼頭更阿誰

九日菊未花

舊說黃楊厄閏年
今年併厄菊花天
但援青蕊浮新酒
何必黃金鑄小錢
半醉嚼香霜月底
一枝却老鬢絲邊
阿誰會得開遲意
暗展重陽十月前

曉看芙蓉

兩歲芙蓉無一枝今年萬朶壓枝低
半紅半白花都閒
非短非長樹斬齊
臨水醺粧新雨後
出牆背面曉風西
春英笑殺秋英淡
祇恐濃於桃李蹊

久雨妨於農收因訪子上有歎

君能過我意如傾
我每看君脚便輕
若為泥塗間還往
端令老病底心情
未霜楊柳秋猶碧
就水芙蓉晚更明
早歲嫌晴不嫌熱
今年教熱不教晴

誠齋題三老圖

劉訥敏叔秀才寫乘成先生平園相國及予為三老
圖因署其後

劉君寫照妙通神三老圖成又一新只道老韓同傳好
被人指點也愁人

甲子春初即事

只有觀書樂其如病眼何但令吾意適不必卷頭多
人怨花遲發天教暖早催不知要催落却道是催開

晚得看花訣丁寧趁絕晨乘他醉眠起別是一精神

晚酌

暑天寒果飮來餒水果清於木果休蓮入新秋何更瘦
菱沈到底竟能浮山泉釀酒香仍冽野蕪堆盤爽更幽
方丈食前非不愛風蟬一腹飽詩愁

七夕後一夜月中露坐

火雲散作鬱金雲簷際移牀偃病身古井石崖新汲水
花洲苔砌蕩晴塵風纔小動即停吹竹自不涼那及人

獨感今宵上弦月桂梢分露滴紗巾

宋詩鈔卷七十九

欽定四庫全書薈要卷二萬三百三十三

集部

宋詩鈔卷八十

內閣中書舍人吳之振編

薛季宣浪語集鈔

季宣字士龍永嘉人年十七起從荆南帥辟書寫
機宜文字由武昌令召為大理寺主簿大理正出知
湖州改常州年四十而卒季宣為程門再傳而所言
經術則浙學也故浙人宗之其詩質直少風人瀟灑

之致然縱橫七言則盧仝馬異不足多也

石門漁舍

漁家在何許
蹢躅巖下石
花樹幾株芳
湖山數峰碧
宸樽亭遂古
雙闕天自闢
錦繡入茨舍
藤蘿封筆柵
吾為江上遊
形苦世間役
心馳定沙步
舟行過簷隙
浪翁底鐫銘
太尉此居宅
豈若斯人徒
風雲相主客

遊竹陵善權洞二首

萬古英臺面
雲泉響珮環
練衣歸洞府

澗水倒流入水洞中香雨

落人間蝶舞凝山魄花開想玉顏幾如禪觀適遊鮎戲

澄灣

寺故祝英臺宅唐昭義帥李贇嘗見白龍出水洞而為雷雨今小水洞有鰻魚四足

左右蝸蠻戰晨昏燕蝠爭九星寧曲照三洞獨何營世

事嗟興喪人情見死生阿誰能種玉還爾石田耕

山有三洞

九斗壇故更寺觀者不一再有李後主斷還僧寺批札石記語極可笑大水洞有石田數十町奇絕

都場正月盡未見梅思雪中石門之遊作

千里春何晚三旬暝不回眼青暝縣柳粉白闕宮梅麗
水年時泛桃花雪裏開軒轅丘一夢懷往思悠哉

石門上

有軒轅之丘

謝客窮幽處仙宮隱薜蘿二峰峩魏闕雙瀑瀉天河
猥應難致猿猴却患多雪中山更好淹歲定如何
猥皆出石門山中猥類猿而綠猥類狗而黃蓋猴屬之大者猥讀如廣殆所謂狼狽也猥字書音黃去入作去聲呼之狼讀如朗

吳江放船至楓橋灣

所謂越來溪也

短篷負長虹破籬掛明月風馬座中生天幕波中出高城多隱映遠岫攬羅列少小泛吳江始識仙凡別

送士昭兄赴南外敦宗院

憶昔南州去松根眺邑鄺鳥啼雲裏樹人入洞中天載
陟今時路須航古渡船地窮巖嶮盡蚤晚濟平川

松花唐玉蘂花介甫謂之場花魯直謂之山礬武
昌山中多有之其葉可供染事土人用之釀酒
松綠吐瑤琨冷然郭外村仙人來玉蘂文士立山礬芳
澤留絲素風流付酒樽莫言場酷似香處不勝繁
樊岡雨後瀰望皆平蕪綠草無復花矣

候客樊岡道新晴致日佳萬般詩外意百種夢中花蔓
綠鋪平野江流襲漲沙無如石頭滑龍首粲新芽

讀三國志

左角蠻攻觸南柯檀伐槐排諧記名字人物委塵埃錦
里昔曾到樊川今此來遺風不可見觀古意悠哉

件落回路得家書是夕有歸夢

夢入江南路依然識舊廬家人話生計兒子督程書繚
繞俗緣在纏綿習氣餘金雞驚悞我安問未為疎

江行即事

春信潮聲急
滔滔掩岸沙
客船離浦淑
漁笛起蒹葭
盪漿水光碎
轉山帆影斜
篙工指烟樹
依約有人家

誠臺雪望懷子都三首

白也今良嗣
千年壁一雙
文思泉漱石
色照月明窓
樸檄空樊渚
飄零遠漢江
此情誰與度
木介響琤琮

狂遊失可人
萍聚我和君
千里共明月
幾山空白雲
擊雕飛墮毳
嚼雪冷冰齧
百歲無多子
離居困索羣

李性剛直

同官目
為雕李

揜脰誠臺雪吟頭祇自昂
梅花開嶺路冰玉皴池塘良
馬日千里美人天一方
尺書不可寄道義兩相忘

和賈簿

官冷君休歎浮名陌路車
冰山逢燠泮豆粥併寒除
但酌樽中酒從堆架上書
未酬題柱志終不羨相如

忌日雪

荼毒惟何甚同時失所天
哀傷逢此日懷抱憶初年
白

雪明心素青松黯墓埏不堪陳几席罪罟欲誰寬

鄉思

達仕租千石虛名酒五經豈能千日醉未勝九年耕識
取杯中趣知從袋裏盛讀書無一事官宦汨平生

讀邸報

世味刀頭蜜人情屋上烏榮華葉子格升黜選仙圖豺
祭知生獸虵銜欲報珠不將魂夢到反是憶尊鱸

春陰

讀王黃州
小畜集

春晝閣春愁無情若隱憂柔腸牽柳眼困淚點花頭不放春風度從教暮雨休哀憐無限意小畜閔黃州

送鄭景望赴國子丞詩二首并序

淙之江潭

但

漫

聲平

而委長有山焉截乎江之口其潮

也尾閭盈而瀆瀑海水溢而羣飛回江之波倒流而反觸於山其濤怒衝乎潭其波激委之至也遠其為憤也瀄崩騰洶洶洄滴藏昂驟蹙而軒乍旋而入竚盈淵谷前無高岸一川矗立突如來如屹如銀山犇

如陳馬轟如雷鼓激如搏鵬子胥奔躍于濤頭文種
昌揚其暗浪雖共工氏折不周之柱左伯母彈恒山
之目拔山如項羽驅石若始皇未足以擬其壯天河
裂龍門發呂梁洩汾防決淮隄撤猶不得形模其彷彿
也操舟者逆而取之順而方之呼吸之中恬然已
無事矣濤之力也有既故吳兒可狎而弄其去也有
時故行人可厲而涉予嘗聞諸濱江之老叟曰江之
產有煩苛其涉有陷沙煩苛豸也蟪蝻比也形如飄

瓦呀吻衆多狎者遭焉則著身而不寘沙之雜也多
淖則人之履踐不實涉者俄而陷溺則僵為汝之濫
君子者曰操舟者子其神乎憑乎虛舟凌乎巨浪逆
而取之不害其為正順而方之不害吾之止故雖濤
水掀天而吾不為之蕩橫流溢壑而吾不為之撓持
危涉險亶默而成之其眎涉者吳兒為有全安之數
矣子鄭子一鄉之望其赴國子丞也固當為時世用
鄉人又將儀之夫國子清官子鄭子和而不流者也

既清且和利用安身而崇德矣其行也必將問津於
浙予期之以舟楫之利琢詩為贈且序陷沙煩苛之
說所聞於父老者而冠諸篇端

風喜檣烏順知難喚酒杯好溪寒已半京洛夢應回僧
舍方飄雪江籬欲放梅不須愁國步之子棟梁材
愜我論交晚何堪又索居朝陽鳴必鳳清水察無魚百
惱愁成斛羣疑鬼載車否臧亡可道贏得腹詩書

種蘭

蘭生林樾間清芬倍幽遠野人坐官曹茲意極不淺西
窓蔽斜日松釵架春晚牆陰蒔花木憔悴根日損植此
山國香坐與前事反扶疎可紉佩心緒端有本芽生僅
盈壇高風成九畹羣芳顏色好祇自誇園苑何如淡嚼
蠟草莽曾誰混對我靜無言忘形如莽萼

刈蘭

東畹刈真香靜院簪瓶水高遠不勝情時逐微風起和
雨剪閒庭誰作騷人語記得舊家山香來無覓處

石盆

髯翁久埋沒歲月來成奔當年膾魚處
虀臼徒形存想方高會時猛士侔雲屯
連鰲覲一釣欲以大口吞尺鯽劉紅雪
烹葵植蘭蓀王餘棄玉食銀刀亂汙墮
臺不禁醉網漏如鯨鯢座中盡羣彥人
亡失叢墻吾遊懷此都重到郭外村聊
與廣武歎徘徊受辛盆頽然鳳凰臺路
走臨津門催歸趁人馬誰念古帝魂愁
無有力者宸樽負雲根斯焉共杯飲垂
綸具盤飧

得符速走之官

我本樂閒人自得安閒志鄙性習疎散誰識榮華意竭
來復舊廬喜獲平生志稼穡任佃夫家室歸中饋中外
若非我卒歲無他事飽飯讀詩書優騰時困睡嘲啁燕
雀懽鴻鵠心應異三皇竟何物况復今官寺寒餒譟妻
孥先春輸典質茲乃不可常為貧求祿仕版籍一書名
野情那得遂官來促我裝去作塵埃更無復有消搖真
為口腹累把板從此行短褐隨棄置素飧良不堪邑有

民人寄衆心險山川道微非所暨上恐負朝家終念家
聲墜吾民政焦嗷為此不能寐格物可為邦舊說今難
試泥古誠腐儒惟此知為治仁義舍不為又敢圖與利
上官如我容刑章得就易庶以遂其生將久蘇疲瘁此
意尚茫然思之或狂悖

新作殊亭

虎將夏中時旋復怡亭址茆茨覆采椽樸拙亦可喜建
斗五移杓殊亭更釋子規摹雖少華不陋復不侈元碑

碎俗令遺集褒空紙縱步此山椒金聲猶屬耳舊亭苦
弗稱新亭直殊美書文兩奇絕蹤蹟存布指古人久不
見今人尚殊此能知古今意元始本無始

春陰

春陰一何甚愁結意外花細雨打疎竹涓涓草新芽
春此忽中慘吾生浩無涯閒讀几上書可歎復可嗟時流
諒難追世路亦以賒折腰墨綬卑坐有憂患加官柳絮
新綠黃鸝語淫哇把盞但心醉天外日已斜魄月沈半

壁歸飛噪啼鴉仰頭望虛碧冥冥密雲遮風塵政昏暗
逃形乏浮槎顧影還自笑狂遊蕩無家弩頭強應世鈍
若倒拔蛇先入營舊廬清池傍蒹葭芳時繡文錦翻濤
散晴霞霽色故自好風霾益云嘉何當舍此去忘情傲
丹葩

跋東坡詩案

南方有佳木遠在漲海涯沈水產其節雞舌生其肌結
根松栢場龍腦實離離蜚獠豈知貴斧斤斬藥枝椽為

糠粃槽將食犬與豨條枚惡鬢曲芟除棄江湄滄流蕩
回波不與朽壤期年代知幾閱愈久乃見竒根株到餘
捱復恐分寸遺終焉盛芬烈蘭蓀謝芳姿

濟江逆田開府過西陽俞氏家林

輕舟時復到齊安一過漁家一點顏江打頽牆開野徑
簞生故壘上家山蕭騷城郭塵埃外縹渺煙霞雲水間
便好繫船終日卧官曹不許片時閒

宿大城寺與寺僧行都子故城於壁壘間得銅矢

鏃土中螺殼往往不壞僧言初作此寺發殿基

下有古甌渠宮城中得銅矛矢鏃百數南城中

土窖積灰埋鵝首骨猶具自甕城北望有郡王

墓僧云其傍墟塚甚多王墓常有巫者發之未

開被蜂毒死巫家於懷袖間得蜂乃黃金所化

二千逆數到春秋戰國興亡一轉眸壘壁詎銷埋蚌殼

劫灰寧燼斬鵝頭墳緣開發金成范殿為焚脩瓦出溝

哨矢焦銅傷我意古來爭戰幾曾休

周將軍廟觀岳侯石像

侯祠初毀道士不忍壞侯像沈荆溪中因得不壞

萬死何知獄吏尊威名蓋代古難存

侯初下大理獄吏執筆請辭大書其

紙尾而唾之曰汝觀今世烏有大臣繫獄而生者趣具成案吾為汝書

二桃豈為功高賜

一舸不容身退論幾為飲江思道濟繆為圖像削王敦
沈碑千古蛟川恨留與無窮客斷魂

雨後憶龍翔寺

好溪東赴海門秋中有禪居湧碧流潮信往來雙別嶼
世緣生滅幾浮漚菱歌面面來魚鼓燈火層層到客舟

何事瓜期外留滯短窓斜雨不堪愁

宿大城寺

寺乃郡王故宮

斷烟疎竹瑣樓臺都子如今安在哉
明滅故城無限意
紫薇花傍夕陽開

春草曲

二月二日未旦夢遊過潦旋返見羣女魚貫舞入大
第行歌春草之曲其聲宛轉清暢不類今之樂府寤
而追記其詩

散雪枝頭寒已老
平蕪一夜鋪春草
江梅著子怯東風
花落滿庭渾不掃

赴調

三年蹤跡走泥途
走遍泥塗一事無
今日又行當日路
旁人為我一邪歎

無題

朦朧夜色暗浮雲
咫尺氛埃怯戰塵
深夜鳴榔到庭戶
江湖知有釣魚人

酴醾花謝有感

當初曾醉浣花春
席地棠梨當錦茵
今日酴醾飄似雪
閒忙不比舊時人

聞鳩

桃李無情花自妍
竹根行復破苔痕
新婦抱兒未歸去
愧死鶉姑啼滿園

十四日從諸同官登西山郊壇岡次孟監務韻

菩薩巖前湛佛乘
澄泓無復現天燈
強歌下里酬春雪

便好為文弔剡藤

清遊無是亦無非
陡絕圓壇一強躋
赤壁望中公瑾在
戰塵何日靜征輦

人間萬事盡浮埃
顧影窮遊莫倦陪
吳王百世不復在
只有九仞郊天臺

歸計二首

浮雲何處是生涯
念絕營營即是家
洗脚渡頭歸去也
漢津無用逐靈槎

置錐無地也無錐幸可歸來特地疑船子月輪貧未破
羅浮焉用石頭為

青田同七五兄作四首

為聞雙鶴訪青田便有孤雲竟目前灘水自鳴山自綠
短篷斜拄得酣眠

烏雲送雨過前山白鳥將雛向遠灣獨立溪亭無箇事
湍流瀧石鎮潺潺

浩歌歎乃客銷魂一抹烟林暝遠村花為忘憂人一笑

不知風雨作黃昏

谿翁夜傍清溪立千尺絲綸一紅粒
天空月白不見人無聲露滴蘋蓼濕

讀鬼詩擬作二首

坐對悲風嘯晚山征鴻不記幾回還
青銅蝕破菱花面慵掠烏雲綰髻鬟

王樂紛華昔未真至遊無朕亦無身
細看浮世多塵空如我得歸能幾人

雨後憶龍翔寺

二峰高峙夾禪扃
長落潮音逐磬聲
老僧睡起絕無事
不管波濤四面生

村居秋暮

風回偃水穀文平
林末它山筆架橫
場圃未閒黃葉下
鵲鳩啼雨忽啼晴

携筇

一局閒尋五木經
檸櫟蘆白意冥冥
未能後擲如前擲

將奈長亭又短亭

六月三夜夢觀某人詩什其書一章四絕蓋絕筆也予讀竟太乙真人來告語青猿手裏得長書靜聞丹竈風中雨之句夢而默記之寤矣作詩導意

多謝真人警夢書青猿馴擾尚超超任從爐鼎喧風雨爭奈神明復古初君樂煉形咀丹火我甘飲水灌園蔬惟當敬佩終焉意予欲無言致匪虛

樊口見鄭崇陽不遇

經時兀兀坐筠鄉
命駕崎嶇傍夕陽
島嶼西陵開罨畫
湖山東鄂洗新裝
路侵細草迷繁綠
風落閒花憶舊香
却上渡船歸去也
不逢安道故無妨

誠臺晚意

麥夏西山日脚斜
峰雲千里盡丹霞
晴嵐榲桷水春漲
芳草園林路晚花
遠近子規啼怨抑
高低乳鷺語淫哇
官身歸是何年社
信美誠臺不似家

新晴

起人舒慘作陰晴九十春光只雨零宿草未萌波漠漠
落花歸盡葉青青風生遠嶠銜明月霧澈長江吐漲汀
天意乍回心自廣片時雲路覺無形

從孫元式假定本韓文

楊墨哀周亦既微誰傳正派任先知回瀾豈直萬人敵
斷簡傳將百世師脫落間亡烏鰂墨蠹殘寧免白魚辭
校讐畝向君無愧聊以新詩當一瓶

校畢歸之

倒墨扶周復古文清輝萬丈醇乎醇七篇奧義遠相繼
六代潛光今又新字假通才識魚魯車慙寡學改金銀
異書喜得君無靳此道中興知有人

勸農出郊

漫驅戎馬說農郊不見田疇見白茅洪道曉晴明水底
羊瀾春漲長林梢紅翻大澤霞方散青入空原草漸苞
迎暖示民民自勸可須杯酒薦烹炮

冒雨渡江弔喪彭氏造雪堂夜歸

月波樓下草芊芊浪拍三江起暝烟願見古人又去
欲詢往事事無傳窪樽明滅漁家火樊口依倚估客船
妻子迎門應怪笑問君何為苦周煎

武昌懷古

漠漠烟村一故城郊壇離殿草茆生青山不解知興替
銷黯開顏為雨晴

筠鄉入夏野花方拆

牆匝叢叢繡舞茵一般顏面各精神筠鄉不為東君去
野草閒花滿路春

晚渡東坡

赤鼻磯頭橫曙烟吳王城下浪連天聞道東坡妙天下
爾來靡日不盤旋

浮生萬事盡塵埃瑞慶堂今榜快哉惟有東坡舊烟柳
道人猶解指莓苔

寒食雨

言歸社雁已家鄉紫燕呢喃識舊梁甚雨疾風寒食夜
旅人情緒一思量

嘲欲借予雜藁者

神文道本可言形退也能藏用即行要得任牽驢狗在
無端何似借書生

郎君到底亦何知奪卷書生真數竒惡語故應多入氣
殘藤無用寫來詩

送張漕還停舟樊港訪退谷

送客過樊谿停橈退谷口不見元次山靜立躊躇久巉
巖兩石峰猶疑入戶牖杯湖正宜泛堙塞僅盈肘糞壤
瘞杯樽勿復堪賭酒扁舟泛然者長歌挈敝笥浩無風
塵意將恐是輦叟自知千進客對面弗敢扣從之人甚
遠慚顏為之厚武昌非昔人望絕不得友它時賦歸歟
湖谷定吾受此心介如石自誓何樊母

子規恨

風篠扣吾扉有人來我語語好不須多都不如歸去開

門我見客客子今何許竹下得流虹人言為杜宇杜宇
昔王蜀不自安當宁相歸密淫遊微行時蹢蹢蛟龍失
水困哀怨成飛羽規名釋爾雅茲事則然否揚雄蜀本
紀望帝亦賢主仙去正啼規去思傳往古不妄信斯言
王去非輕舉蒼天悲此民故使規聲苦脫屣感斯意八
極歸客與到今惟一後躅追無侶所以百世下直指
不得數聲盡斷以血空教瀝肝腑其然豈其然臣事君
看取

聞齊安雜詠板成從沈守求印蒙以為贈

軼縣西南弦子國使君昭代文章伯氣吞雲夢納東坡
心在江湖輕赤壁月波蕩漾春山色崢嶸洲草芊芊碧
政平訟簡暇居多杖履逍遙神自適到眼風光看如畫
罨畫溪邊舊遊者高亭矗立畫不如坐嘯雲屏自天寫
使君好客非春申一憂已足無餘人哦詩五百盡清警
立使江山景物新江山景物古來有前賢相與天長久
近來百草漸埋沒賴有此詩為一副使君好善人如已

校板巾箱波遠邇良知何獨此麻城天下行聞為商起
我拘官禁僵杭葦跋望亭高衣帶水高唐想像賦神遊
遊客言詩詩信美空書從學穆清風得見異書人見同
解嘲不用潘邠老只在先生指顧中

香棠

舊說海棠無香惟昌州海棠有香驗之蜀道信然以
為不易之論樂圃有棠三本其花亦香乃知非蜀棠
獨香香棠自有種耳

世間元有無窮恨海外棠花宮錦爛燒炙東風春未半
濃裝獨立情繚亂博山爐冷沈煙斷記語洛妃池側畔
袿衣透濕飄香汗舞罷霓裳高燭看吳苑散花灘彼岸
亦有當初舊遊觀棠梨古逕霞光燦薔薇露冷衣新盥
袖卷燕支紅入腕噴人蘭芷芳都貫天然種性真奇玩
嶺海誠知煎可爨擬擷柔柯燃熾炭裛取湘巾永傳玩
它年留得重公案

鄂城篇

袁山野火春風吹驚颺萬馬爭奔馳烏龜阪頭蕃草木
化作灰燼張天飛武昌佐史皆好古煮茗聯鑣訪城府
狂生此意復不淺好事大家何爾汝鄂王城闕烟蒼蒼
鄂王宮殿波茫茫今古都廬一餉頃不見古人虛引領
毫殷豐鎬已丘墟蠻荆興替將焉如死生建業信徒語
石盆古渡猶多魚古人已去安足齒近事紛紜尚如此
君不見淮淝去歲是豐年如今千里無舍煙

次韻李浩然喜晴

我愧子康之治密其雨其雨而出日靡神不宗始霽霈
將為有年吾事畢豈其霖霖澍霖霽霽霽又為心首疾
視將圭璧走羣望祈社稷門勤屈膝誠知惡積怒神天
流毒匪緣寒自慄甫田千畝垂有秋刈穫敗之方秀實
橫流場圃澆洋洋茁茁禾頭多耳出仰天何怨俯何尤
退省過愆知自失牢愁僕僕事吁嗟風雨敢辭頻沐櫛
忱誠雖至蟣蝨微舒慘蒼穹焉可必都緣民困不聊生
重以凶荒神以卹羲和叱馭黑龍僂倏忽清明開萬室

不知帝力固全真謂我貪夫寧直筆

河豚

豈其食魚河之魴河豚自美吳江鄉
瞋蛙豕腹被文豹則如無趾黥而王
我生甌東到閩方規魚貫見梅花裝
梅青不肯候春雪荻芽靜嘯垂飛楊
古來多魚吳武昌薄遊三月新初嘗
西施乳嫩可奴駱馬肝得酒尤珍良
無愁縷縷結中腸豐美肥腴如切肪
外皮甘滑裏皮厚令人忘却美烏郎
舉之東海來三江會聞清濁斯滄浪

白龍未免豫且困膨脝唯唯浮魚梁氣衝毬鞠何彭彭
地遠都無橄欖香不知深入恣游泳極情性命徒為戕
腊毒厚味能人亡何須西子齊文姜甚美由來必甚惡
直它一死言為長鮠魚俗物休相妨良藥相傳海上方
盧根槐子豈足貴生龍之腦黃龍湯

釣臺阻風去得風便

先生非釣名魚釣清冷水太空長廓然浪迹秋光渼人
憂我何憂忘怒亦忘喜建武非漢元詎有留侯起神明

旋地軸姓字更七里雲臺已埋沒嚴瀨殊清泚
我我二釣臺高插煙霞裏首陽遠相比萬祀恒不圯
我來經舊廬敢卜瞻遺几東風迴我舟江步時須艤
仰觀嚴像設敬拜豁煩鄙曾臺暢登臨無復徒仰止
縈迂古道屈望望扳蘿藟崇基介崑石特立端不倚
削成二山碧平止章如砥衆山鬱青葱環合紛礧礧
清塵森萬象觸睫同章如砥衆山鬱青葱環合紛礧
礧清塵森萬象觸睫同一視古人不可見可見安仁美
旅情殆忘返回棹西風馱青蒲挂一席入望俄城市
瞥如周變秦物物非古始

乃知主人意待我非朱紫送迎因下風忙遽均倒屣烹
茶出清泉盤饌羅雙鯉飫之以珍羞浣濯予塵滓相忘
語嘿間不假談名理去留唯我意今昔交汝爾此情固
冥契何必親之子

張村

皇義寂已久澆俗無還淳如何張村叟杳杳全其真豈
不有妻孥茅茨甘賤貧豈不憚疲勞務時勤耜耜脫俗
未為貴而今焉辟秦青城足躋攀那染龜城塵枸杞薦

盤蔬殊非闕養身安常樂有餘熙然阜長春奚其壽而
康無知斯體仁靜言逐臭夫迷途少知津猥云老人村
郊荒絕酸辛筋骨由堅強誰謂存其神井蛙議滄溟夫
豈窺崖垠作詩賦張村逝將同野人

二女篇

天聖中韓魏公居所生憂從其兄琚守齊安即安國
寺西廡為書堂以居恒有二女子夜至衣冠高古容
裝麗甚公恬不以為怪及去二女告曰妾非人也亦

非仙人鬼魅遊處再歲而言不及亂公德士也行矣
即推此澤天下予讀齊安記屈原之死二女孝慈亦
於此投江故武昌郡人以五月五日競渡投角黍迎
神舟上二女非仙人鬼魅豈靈均二子之精爽耶不
然何知人如此之審而後先居者莫之能見為作二
女篇

姁娉二美人幽閒真種性色秀雪窓梅衣冠儷修正巖
巖韓稚圭寂寞自清靜虛室掃齋居展禽當季孟神遊

問寒暄不得窺信行怪力視茫茫久要交善敬語之非
異類安民公有命蓋聞楚靈均汨羅存死証二女終孝
慈雙玉澄江映當初黃鄂人盪漿追游泳端午化成俗
龍舸長舁競事神微有道角黍勞將迎非鬼且非仙世
士憑誰傾

記遊詩

延陵道士何希全為人坦率狂易居天慶觀儕輩以
風子目之予初識諸妻家嘵嘵然一多言人也甲申

歲至西浙從婦之昆弟遊訪何之居則閤無人聲扣
戶移時而後希全者出肅賓而坐不交一談同行怪
之視其齋舍蓋凝塵滿屋胡牀雖設而拖泥之板亡
矣意其非苟然於世者客退而主人不送客彊之不
辭及門謝以無茶遂翻然而入詢其行事不語既有
年矣晚遊崇勝佛寺過僧道一不值眎几案間無非
貴人竿牘中庭有枯條不翦謂之龍華攷記案圖乃
野菊之下品王公聞人爲之歌謠者至積秩而加多

走閱短卷圖書謂必法書名畫開編而視乃其繪夢
成圖一日之間所遇如此若希全者可謂身如夢幻
而道一者顧以夢幻為真物之不齊有如此者因思
列子之言為發一笑而作此詩

先生混物化浩若鶴與猿結曲此世間翛然脫籠樊冥
心遂無物得意亦忘言客至不點茶猶嗔破苔痕相逢
蜀成都過我故縣村遐觀夢中夢南膜佛因緣鄭人決
真妄子產不能賢寥哉天地間誰省物性偏夢覺各有

殊從他見一邊浩歌歸來乎虛堂好晝眠

跋蜡虎圖

刻木牽絲代不乏巧而偃師擅剗削之技吹簫擊石
師有其能而后夔名制作之宗何哉蓋精義入神則
神藏其用至誠假物則物狀其形寫物之工亦猶是
也婦弟元可所藏虎搏豕圖其枯條衰柳於菟剛鬣
疏毛設色皆極能品之上至狀虎之蹲伏批豕頰而
呬持之豕啼失聲手跑足廢精神形度曲盡一時之

理視之使人毛髮森聳若彷徨乎其右也人以宣城
繪人包氏善虎因以包虎名之予謂包虎之形但像
虎耳至狀真虎之態包氏何足以知之夫真虎之形
全於虎者不能到也故予定為屬歸真畫而名之曰
蜡虎圖歸真梁人宋太祖時以道士召對自言善畫
得錢沽酒竟醉此外無能者嘗為廬山道人寫鷄而
燕雀不敢來集其畫喜圖牛虎常伏草莽以觀虎之
出入或蒙虎皮而倣其搏躍之形故其畫虎之工居

神品上予知非歸真不解作此蓋惟歸真為能知虎
非予無以識歸真也因跋以詩為之序

歲云暮矣露為霜枯條脫葉哀柳黃郊原寂歷無人鄉
獷牙之豕充稻粱舍瞻以遊神氣揚有斑者虎蹲在旁
低頭妥尾不大忙豕行過之不虎防虎往搏之搯豕吭
豕忙故步聲喚長虎如抱兒未遽殃豕形雖在身命亡
不如安之充虎腸得之紙本君何從仙人道士形已忘
解衣盤礴髀宋王虎冠虎鄴虎跳踉百獸望之怖以惶

寫鷓鴣雀為罷翔匡廬有潔清祠望請君懸之政事堂
坐令帖伏犬與羊君不見大索之祭通八方盛德百世
祠是常又不見螳螂捕蜩雀捕螳死生得喪不可償虎
哉寧知蜎螭能爾戕是非遠在天一方君其實之永世
藏

孫元可賦張公石室詩句語險怪辭峰秀拔讀之
如神遊洞府而陵果為之奔屬也非身行此洞
不知此詩之工蓋其質似廬仝而文麗多之如

又加鞭當千里一瞬其視劉義馬異得名浪矣
詩文與我過當誠無足以當之牽韻勉酬真添
薪煮箒之舉

君不見談天衍有言九州之大惟一州無論青巖并營
幽我其放言學鄒子將子聽之無我尤我騎一紙白驢
子跣梯跣踏走上南山頭萬里以意行一息不暫留
筇到空洞且作秉燭遊呼來混沌老蝙蝠兩作精怪我
則不從教激風怒竅拔木折石一去旬有五日而後返

但是有戶則可由積蘇累塊雖云巧達觀只與蟻蟻侔
我有五雲車駕以六蒼虬日月行已揭無人觸虛舟何
曾見爾懸旌鳴佩朗裝欲飛動玉柱校立直以修大撓
甲子有窮盡爾乃祿命難考求皇天大地僅若一雞子
金烏玉兔銜得曉夜作箭浮我不知爾許事政覺兩耳
風颼颼託死不復生一死可作道者流況乃漢時五斗
米師星河耿雙眸石壇一坐一千歲坐視生滅水上漚
水上漚且罷休休無休於無作樂無樂於無憂仙人與

世人壽夭如相醕
清清爰靜爰自正
此舉獨步不可儔
信是神仙足官府
蜂房戶牖封君侯
我偶作此言不比
亦不周為何孫卿
子謂我阮與劉為
我謝孫子我才愧
爾天一畝不如且
飲酒耳熱徒歌謳
可以銷遣綿綿不
斷萬古之悲愁
悲愁銷遣幾時盡
萬古之後重有萬
古來悠悠

春愁詩效玉川子

春陰苦亡賴
巧解窮彫鏤
入我方寸間
釀成一百萬斛

傷春愁我欲挹此愁寸田無地安愁芻沃以一石五斗
杜康酒醉心還與愁為謀愁腸九轉疾車轂擾擾萬緒
何綢繆愁思儻可織爭奈百結不可紬我與愁作惡走
上千尺高高樓千尺逆雲漢只見四極愁雲浮都不見
銅盤之日缺月之鉤此心莫與明愁來壓人頭逃形入
冥室關閉一已牢周遮四壁間羅幕密以綢愁來無際
畔還能為添幽憂我有龍文三尺之長劒真剛不作繞
指柔匣以明月通天虹玉燭銀之寶室可以陸剗犀象

水斷潛伏之蛟虬云昔黃帝軒轅氏用斬銅頭鐵額橫
行天下之蚩尤擬將此劍斫愁斷昏迷不見愁之喉若
士為我言子識愁意不愁至不忘以愁生有來由閒愁
不足計空言學莊周日中之景君莫避處陰息景景不
留疾行嫌足音不如莫行休因知萬慮為縈愁之繹忘
懷為遣累之舟歸來衲被蓋頭坐從他鼻息鳴齁齁取
友造物先汗漫相與遊朝躋叫閭闔夕駕棲丹丘天公
向我笑金母為我謳酌我以瓊漿玉液朝陽沆瀣之濃

齊俾我眉壽長千秋却欲強挽愁作伴愁忽去我無處
蹤跡尋行婢惟有春華鬪春媚一一倩絢開明眸又有
平蕪綠野十百千萬頭鈍悶耕田牛踏破南山特石頭
貴遊行

沙堤大蓋何穹窿底人佩玉鞍蒙猊像如熊虎馬游龍
誰何出入咸陽宮笑刀瓠體顏芙蓉步趨持重為雍容
諸侯爰統掌百工調元為職裨九重萬錢一食聲鼓鍾
猶言下筯終無從異時糠噉腸不充家徒壁立其室蓬

抄撮語麗文彫蟲繪為繡句欺南宮不分菽麥儔知儂
且無萬卷澆胸中脂韋婢耍陳小忠竭民膏髓自為功
榻前觸事惟迎逢肯思責難始為恭君王謂賢拜三公
門如沸湯賄賂通財侔縣官邑侯封積金猶欲齊瀋密
家有錢爐非範銅賣官鬻獄揚成風後房的爍燕支紅
皆民女婦來無蹤有憂失得常忡忡殺賢賊能摧英雄
汲將同類塞要衝害苗之心饒蝗蝻忽彎射羿逢蒙弓
怡然自得豁心胸黯如抹漆何赤衷向人自欺咤匪躬

高自標置人盲聾言立便擬稱儒宗學禪逃俗坐談空
元非友朋相磨礱世間將謂無軻雄言出波流士與農
却矜巧宦官既崇笑伊魯儒嗟道窮那知達人節青松
眎而土苴及蛆蟲古今異時理道同姦邪未必皆令終
君不見晉朝失國隳金墉為奴為胥豈惟懷愍墮紫濛
谷里章

上有青山下有滄洲步有回波面有紅流吞吐風雲呼
吸甯昂審能處之可銷憂退谷中人帶笈簪山中繚繞

茅舍旁寒泉之流激琅琅雙石西峰我在東無情鉤加
此漫郎性情荒浪氣志剛東鄰之人揮鉤車胎鰲孤鱗
浪屋加鉤綸相投不遑舍聲齧會懾歸吾家我蓑我笠
聊自娛沒溺愧彼鄰舍漁沙門招提宅谷西金仙宮殿
雲漢齊撞鍾擊磬禮耶毗子欲詣之持清齋箇中有人
坐無為饑食困眠氣咎酤撫掌怡然笑呵呵吾昏將奈
此子何漫歌八曲音清冷風高水寒三歎聲勿哦大洞
修黃庭谷中之樂實難名長江北來樊水流東樊山水


曲大回中儵儵之魚泳油洋鈎舟漁人鼓鳴榔浩歌一
闕清滄浪終焉無求漫相忘大江之東叢石起谿衍聚
石江鳴水小回中間浪不惡釣臺嵯峨瞰城郭去來客
船是中泊漫成二闕回中曲豪人仲謀當漢哀建安之
際鼎祚移江淮萬里吳帝之冕旒十二龍卷垂輅車華
蓋日月旗荒墟之中不可求宮室故處春草青長刀大
劍可治生我先田老相次耕大夫勸相歌三成江北洲
西陽國蕪城桑柘彌阡陌婦可力蠶身力穡四歌不用

愁衣食一元大武牽何之良田附郭吳東陸牧童田父
麻單衣叔閑修治木馱馱從吾真者真吾兒西陽罷田
飽飯嘻五歌六歌神自怡李甥叔靜蕩兩漿弱翁將船
欲安往大回小回閒釣魚送客便擬酣醺如酒徒之誚
謾浪名世俗交加漫不聽行無惡客相逢迎醉歌七終
將八成杯樽坏湖上坏亭浪翁杯飲醉少醒嬉然自打
舴艋行菰蒲芰荷出青萍仰天大笑風冷冷坏湖西南
為退谷壽藤纍纍紫壽木涓泉弄注滙樊曲醉耳琤琮

亂鳴玉城中友生綰銅墨身備四殊攸好德窪樽日醉
主與客挾以石門天地窄坏湖退谷人好游可厭之類
乃所羞忽焉草木成高丘此游此泛生幽憂泉明之風
繼者誰士源孟子接武來嚴霜皓雪春風熙倒置日月
寒溫移來游者子充良子能得之可勿疑此道不迂不
回適子能識之可游佚勉強行之今是古谷中之人君
踵武狂生作此谷里章意追浪叟俱商羊松風颭颭蘭
草香與君壽考終不忘



宋詩鈔卷八十



總校官庶吉士臣張能照
校對官檢討臣王鍾健
謄錄監生臣王心仁